



Dyddiad creu:	25/05/18
Dyddiad cyhoeddi:	19/11/18
Rhif y fersiwn:	1.00

Maes Gwasanaeth:	Adran Isadeiledd
Man Gweithio:	Grŵp Gweithrediadau Priffyrdd
Manylion cyswllt:	E-bost: GweithrediadauPriffyrdd@caerffili.gov.uk
Enw'r Hysbysiad Preifatrwydd:	Cais yn unol ag adran 50 / Cais yn unol ag adran 171
Disgrifiad o'r Hysbysiad Preifatrwydd:	Bydd yr Hysbysiad Preifatrwydd hwn yn egluro sut y bydd Cyngor Bwrdeistref Sirol Caerffili yn defnyddio'r wybodaeth a roddwch amdanoch eich hun yn gysylltiedig â cheisiadau yn unol ag adrannau 50 a 171.

Sut y byddwn yn defnyddio'ch gwybodaeth

Y diben a'r sail gyfreithiol ar gyfer defnyddio eich gwybodaeth

Diben y gwaith prosesu

Bydd Cyngor Bwrdeistref Sirol Caerffili (CBSC) yn prosesu'r wybodaeth sy'n ymwneud â'ch cais, eich manylion adnabod a'ch manylion cyswllt at ddibenion rhoi ymateb i chi. Byddwn naill ai'n darparu'r drwydded rydych wedi gofyn amdani neu byddwn yn egluro'r rhesymau pam nad ydym yn gallu gwneud hynny.

Sail gyfreithiol ar gyfer y gwaith prosesu

Gan weithredu fel yr Awdurdod Priffyrdd, mae gan CBSC rwymedigaeth statudol i brosesu eich gwybodaeth, fel y manylir isod:

- O dan adran 50 o Ddeddf Ffyrdd Newydd a Gwaith Stryd 1991.
- O dan adran 111 o Ddeddf Llywodraeth Leol 1972.
- O dan adran 171 o Ddeddf Priffyrdd 1980.

Er mwyn i brosesu data personol fod yn gyfreithlon o dan y Rheoliad Cyffredinol ar Ddiogelu Data 2016, mae'n rhaid nodi amod dilys o erthygl 6 o'r Rheoliad, a amlinellir isod:

1(e) mae angen prosesu ar gyfer cyflawni tasg a wnaed er budd y cyhoedd neu wrth arfer awdurdod swyddogol a freiniwyd yn y rheolwr.

Pwy fydd yn gallu cyrchu eich gwybodaeth?

Manylion y Rheolwr Data a'r Swyddog Diogelu Data

Y Rheolwr Data ar gyfer eich gwybodaeth yw Cyngor Bwrdeistref Sirol Caerffili. Y Swyddog Diogelu Data yw:

Ms Joanne Jones

Y Rheolwr Llywodraethu Gwybodaeth Gorfforaethol/Swyddog Diogelu Data

E-bost: diogeludata@caerffili.gov.uk

Ffôn: 01443 864322

Efallai y bydd Rheolwyr Data eraill hefyd yn gyfrifol am eich gwybodaeth, yn dibynnu ar yr amgylchiadau penodol. Am ragor o wybodaeth, cysylltwch â'r Maes Gwasanaeth.

Manylion am brif ddefnyddwyr eich gwybodaeth

Bydd eich cais, gan gynnwys eich manylion adnabod a'ch manylion cyswllt, yn cael eu dosbarthu i'r swyddogion perthnasol, yn ein Tîm Peirianeg, a all gadw'r wybodaeth sy'n gysylltiedig â'ch cais at ddibenion prosesu eich cais a rhoi ymateb i chi.

Manylion am unrhyw rannu o'ch gwybodaeth o fewn Cyngor Bwrdeistref Sirol Caerffili

Bydd y manylion am unrhyw drwydded gymeradwy (ffordd, lleoliad, hyd, natur y gwaith, cychwynnwr) yn cael eu rhannu drwy adroddiad 'gwaith ffordd' â'r rheolwyr y tu allan i oriau/swyddogion wrth gefn, er mwyn hwyluso unrhyw ymateb brys posibl.

Gall pob cofnod fod yn destun adolygiad gan swyddogion Archwilio Mewnol.

Manylion am unrhyw rannu o'ch gwybodaeth â sefydliadau eraill

Bydd y manylion adnabod yn cael eu tynnu oddi ar y manylion am unrhyw drwydded gymeradwy (ffordd, lleoliad, hyd, natur y gwaith, cychwynnwr) er mwyn ei chyhoeddi ar wefan CBSC, drwy 'Roadworks.org'; mae'r gwasanaeth hwn yn darparu'r ffynhonnell fwyaf cynhwysfawr o'r wybodaeth ddiweddaraf am waith ffordd, achosion o gau ffyrdd a gwyradau, digwyddiadau traffig, ac amhariadau eraill sy'n effeithio ar rwydwaith ffyrdd y Deyrnas Unedig.

Ceisiadau am wybodaeth

Mae'n bosibl y bydd yr holl wybodaeth a gedwir gan Gyngor Bwrdeistref Sirol Caerffili yn destun ceisiadau o dan Ddeddf Rhyddid Gwybodaeth 2000, Rheoliadau Gwybodaeth Amgylcheddol 2004 a Deddf Diogelu Data 1998.

Os bydd yr wybodaeth a ddarperir gennych yn destun cais o'r fath, bydd Cyngor Bwrdeistref Sirol Caerffili yn ymgynghori â chi ynghylch ei rhyddhau, lle bo hynny'n bosibl. Os byddwch yn gwrthwynebu rhyddhau eich gwybodaeth, byddwn yn cadw'r wybodaeth yn ei hól, os bydd y ddeddfwriaeth berthnasol yn caniatáu i hynny ddigwydd.

Am ba hyd y byddwn yn cadw eich gwybodaeth?

Manylion am y cyfnod cadw

Mae'r cyfnod y mae Cyngor Bwrdeistref Sirol Caerffili yn cadw gwybodaeth yn cael ei bennu drwy ofynion statudol neu arferion gorau.

Bydd eich cais a'n hymateb yn cael eu cadw am oes y drwydded + un flwyddyn. Efallai y bydd rhai ceisiadau ac ymatebion yn cael eu cadw am gyfnod hirach, ond bydd y manylion adnabod wedi'u tynnu oddi arnynt.

Eich Hawliau (gan gynnwys y Weithdrefn Gwynion)

Eich hawliau o dan Ddeddf Diogelu Data 1998

Mae'r ddeddf Diogelu Data yn rhoi nifer o hawliau i destun y data (y rheiny y mae'r wybodaeth yn sôn amdanynt):

- Hawl i gael mynediad at ddata gan y testun – mae ffurflenni cais ar gyfer y broses hon ar gael ar ein gwefan: [Ffurflen Gais am Fynediad at Ddata gan y Testun \(SAR\)](#)
- Yr hawl i gael gwybod
- Yr hawl i gywiro
- Yr hawl i ddileu
- Yr hawl i gyfyngu ar brosesu
- Yr hawl i wrthwynebu
- Yr hawl i gludadwyedd data
- Hawliau mewn perthynas â gwneud penderfyniadau a phroffilio awtomataidd.

Mae rhagor o wybodaeth am eich hawliau ar gael ar y wefan hon: www.ico.org.uk

Er mwyn datgan eich hawliau, cysylltwch â'r maes gwasanaeth y manylir arno ar frig y ffurflen hon.

Y Weithdrefn Gwynion

Os ydych yn anfodlon â'r modd y mae Cyngor Bwrdeistref Sirol Caerffili wedi ymdrin â'ch cais/gwybodaeth, mae gennych yr hawl i gwyno. Cysylltwch â'r Maes Gwasanaeth, y manylir arno ar frig y ddogfen hon, gan amlinellu eich pryderon.

Os byddwch yn parhau'n anfodlon, mae gennych hefyd yr hawl i gwyno wrth Swyddfa'r Comisiynydd Gwybodaeth. Dilynwch y ddolen hon am ragor o wybodaeth am y broses gwyno.

www.caerffili.gov.uk/My-Council/Data-protection-and-freedom-of-information/Questions-and-complaints?lang=cy-gb

Crynodeb o'r Hysbysiad Preifatrwydd

Sut y byddwn yn defnyddio'ch gwybodaeth

Bydd Cyngor Bwrdeistref Sirol Caerffili (CBSC) yn prosesu'r wybodaeth sy'n ymwneud â'ch cais, eich manylion adnabod a'ch manylion cyswllt at ddibenion rhoi ymateb i chi. Byddwn naill ai'n darparu'r drwydded rydych wedi gofyn amdani neu byddwn yn egluro'r rhesymau pam nad ydym yn gallu gwneud hynny.

Gan weithredu fel yr Awdurdod Prifffyrdd, mae gan CBSC rwymedigaeth statudol i brosesu eich gwybodaeth, fel y manylir isod:

- O dan adran 50 o Ddeddf Ffyrdd Newydd a Gwaith Stryd 1991.
- O dan adran 111 o Ddeddf Llywodraeth Leol 1972.
- O dan adran 171 o Ddeddf Prifffyrdd 1980.

Bydd eich cais a'n hymateb yn cael eu cadw am oes y drwydded + un flwyddyn. Efallai y bydd rhai ceisiadau ac ymatebion yn cael eu cadw am gyfnod hirach, ond bydd y manylion adnabod wedi'u tynnu oddi arnynt.

Mae gennych nifer o hawliau mewn perthynas â'r wybodaeth, gan gynnwys yr hawl i gael gafael ar wybodaeth sydd gennym amdanoch chi a'r hawl i gwyno os ydych chi'n anhapus â'r ffordd y mae eich gwybodaeth yn cael ei phrosesu.

Am ragor o wybodaeth am eich hawliau a sut rydym yn prosesu'ch gwybodaeth, cliciwch ar y ddolen ganlynol:

[{Hyperddolen i'r Hysbysiad Preifatrwydd Llawn ar ein gwefan}](#)